

www.BibleForChildren.org

San Mateo 8



Beyoṅ ža gota' to yela' güešagna' yež da' nzi' Caná gan' mbane distritw Galilea. Na' xṇa' Jesúsen' gwyeye' liž ben' gan' gota' yela' güešagna'na'. Na' lecze gosaxe' Jesúsen' len beṇe' ca' zjanaque' le' txen cont ja'aque' gan' chac yela' güešagnan'.



Na' bebiž vino dan' chese'ej be_une' ca' že'na', na' x_una'
Jesúsen' gože' le': –Bich bi vino chegaque' de. Na'
x_une'ena' gože' be_une' ca' cheson mandadon': –Le gon
bite'tez da' ne'.



Nach Jesúsen' gože' beṇe' güen mandadw
ca': –Łe yosša' yeso' yej ca' nis. Na'
gosegue'en nis goseža'ten. Nach gože'
łegaque': –Łe gaše' laten' ṇa'a na' le
šjanežjon ben' yo'o lo ne'e lṇin'.

Na' gosone' can' gwnen'.



Na' ben' yo'o lo ne'e Inin' con bnixen' bi nezde' gan' zan',
con beṇe' ca' cheson mandadw na'ze gosenezde' nisen'
beyaquen vino, le legaquen'
gosaše' nisen'.



Na' bena' bñixen' na' goxe' beñe' byo ben' bšagnan', na' gože'ne': –Yogo'ze beñe' chon ĩni chdie' vino güen da' chzaca' la'ay cate' chzolao ĩnin', na' cate' ba zjane'eje' da' zil nach cho'e ĩegaque' da' corrient. San le' bzago' vino šagüen' chdion' ña'a ba cheyož ĩnin'.



Da' nga ben Jesúsen' yež Caná distritw Galilea goquen
yela' guac nechw da' bene'
cont blo'e naque' beņe'
zaca'chgua, nach beņe'
ca' gwleje' cont gosaque'
le' txen gosejnilaže'ne'.



Na' gweyē Jesúsen' liž Pedroa', na'
ble'ede' taobi'in̄ che Pedroa' die' yo'e
da' la.



Jesúsen' bexue' ne'e na' la' bechojtie' da' lan'. Nach la'
gwyaste no'olen' bsini'e da' gose'ej gosagüe'.




Cate' ba gwxoa gwbižen' na' ba gwxin, jasesane' lao
Jesúsen' zan beṇe' chese'ede' na' beṇe' zjajo'o
zjanyaze' da' xigüen'.
Na' do yež beṇe'
besedop besežague'
cho'a yo'o gan' zoa
Jesúsen'.



Na' Jesúsen' beyone' bene' chese'ede' gwde gwdele
yižgüe' na' bebeje' zan da' xigüe' da' zjajo'o zjanyaz
bene', perw bitw bi'e latje bi yesenan, le legaquen
zjanezen non' nac le'.



Na' yogo' bene' goseyiljue' nacle yesone' cont
yeselapa' na'gaquen' le', le gosenezde' nape' yela'
guac cont yega'a
yižgüe' çhegaquen'
še yesechele'ne'.



Nach besežin xonj beņe' cont jasesane' lao Jesúsen' to
beņe' xinj beņe' bi chda šla'a ņi'a ne'e; tap beņe'
zjano'ene'.



Perw bi chac yesežine' gan' zoa
Jesúsen' catec chyi. Nach
goseque'e tej dan' ncua'
yichj yo'on na' beseletje'
le' na'le to lo cam dao'.




Na' cate' Jesúsen' gocbe'ede' can' chesejnilaže'nen',
gože' beṇe'
güe'na': –Xi'iṇa', ba
bezi'xena' xtoḷon'.
–Chapa' le', beyas,
beyoa' xcamon' na'
beyej ližo'.



Beyož be' Jesúsen' diža' ca', gwyo'e lo' barcon' len
bene' ca' zjanaque' le' txen. Na'
šlac zej barcon' lo nisen'
gwzolao gwyechj to be' bdono'
na' nesdaon' leze chas
chatan' na' gwzolao
cheyož nis lo' barcon',
perw ba chtas
Jesúsen'.



Nach Jesúsen' gože' lęaque': –¿Bixchen' chžebtecle
ca'? ¿Nacxečen' bi chejle'le čhia'? Na' gwyase' na'
gwdile' be' bdonon' len nisdaon', na' la' gosebe'žiten.
Na' beņe' ca' zjanaque' Jesúsen' txen
besyebande' can' bene'na',
nach gose' lježgaque':
–¿Noxe benga?
lente be' bdono' na'
len nisdaon'



chosozenaguen čhe
da' že'.



Łeca chaque Diosen' chio' beṇaḅh,
na' gwseḷa' Xi'ine' beṇe' tliša' cont
note'tez beṇe' chejnilaže'ne' bi
cuiaye'e, san gata' yeḷa' mban
ḅhe' toḷi tocaṇe.



Romanos 3:23 Ƙe yogo'cho ba bencho da' xinj, na' ne tocho bi naccho bene' güen can' chaclaže' Diosen' gaccho.

Romanos 6:23 Še zoacho choncho da' xinjen', gata' castigw checho toli tocaṇe cate' gatcho. San Diosen' choṇdadze' chio' to da' güen juisyw, chio' chejnilaže'cho Xancho Jesucriston', chone' cont šjayzoacho len Diosen' toli tocaṇe.

Hebreos 9:27 Na' can' chac che beṇaḇhen', žin ža gat to toe' na' te yesate' nach ṇa Diosen' che to toe' še yesezaca'zi'e o še yesenite' mbalaz.

Efesios 2:8,9 Da' nži'ilaže' Diosen' chio', ba bene' yela' mban checho toli tocaṇe cate' gwejnilaže'cho Criston'. Con bene' to goclen, gague neḇhe bi da' güen da' ben chio'. Ƙe Diosen' bi chaclaže' güe'cho diža' o gaquecho bṇitlagüe' xtoḷa'chon' neḇhe bi da' güen da' ba bencho.



Romanos 10:9,10 Che'to' beņe': "Še güe'lenle beņe' diža' cont yesenezde' chejnilaže'le Jesucriston' na' chzenagle che' da' naque' Xanle, na' še šejle'le lo' yichjlažda'ole Diosen' bečhis bosbane' Jesucriston' ladjo beņe' guaten', nachen' gata' yela' mban chele toli tocaņe." Le cheyaļa' šejle'cho lo' yichjlažda'ochon' cont yeyaccho beņe' güen len Diosen' na' lecze cheyaļa' güe'lencho beņe' diža' che dan' chejnilaže'cho Criston' cont gata' yela' mban checho toli tocaņe.

San Juan 3:16,17 'Leca chaque Diosen' chio' beņach, na' gwseļa' Xi'ine' beņe' tliša' cont note'tez beņe' chejnilaže'ne' bi cuiaye'e, san gata' yela' mban che' toli tocaņe. Na' Diosen' gwsele' Xi'inen' yežlio nga gague cont gwnežjue' castigw che xtola' beņachen', san cont gwnežjue' yela' mban chegaque' toli tocaņe.



1 San Juan 5:11-13 Na' xtiža' Diosen' chzejni'in chio' guata' yela' mban che beņachen' toli tocaņe še yesejnilaže' Xi'ine' Jesucriston'. Quinga naquen, de yela' mban checho toli tocaņe še chejnilaže'cho Jesucriston', na' bi de yela' mban checho toli tocaņe še bi chejnilaže'chone'. Ba bzoja' le'e cart nga, le'e chejnilaže'le Xi'in Diosen', cont nezele de yela' mban chele toli tocaņe.



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Zapotec Zoogocho NT (zpq) © 1987, Wycliffe Bible
Translators, Inc. All rights reserved.

<https://live.bible.is/bible/ZPQTBL/MAT/1>

©2025 Bible for Children, Inc.

www.M1914.org

www.bibleforchildren.org

